

Sarkina Bt Mat Saad @ Shaari

From: UUM CORPORATE COMM.
Sent: Thursday, August 1, 2019 3:17 PM
To: UUM - All Staff; UUM - All Students
Subject: PIP2019 Dedah Inovasi Terkini Dalam Pengajaran Dan Pembelajaran



UUM Corporate Comm.
Universiti Utara Malaysia

01 OGOS 2019 / 29 ZULKAEDAH 1440H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Abdul Halim Husain

PIP2019 DEDAH INOVASI TERKINI DALAM PENGAJARAN DAN PEMBELAJARAN



UUM ONLINE: Menampilkan 291 produk, *International Learning Innovation Competition* (PIP2019) mendedahkan pelbagai inovasi terkini dalam pengajaran dan pembelajaran (P&P), di Dewan Mu'adzam Shah, UUM, semalam.

Ahli Jawatankuasa Penasihat, Pusat Pengajaran dan Pembelajaran Universiti (UTLC), Prof. Dr. Rosna Awang Hashim berkata, hasil idea dan kreativiti ini membabitkan 1,250 peserta dari Sekolah Rendah dan Menengah, Kolej Matrikulasi, Kolej Komuniti, Politeknik dan Institusi Pengajian Tinggi.

Jelasnya, PIP2019 adalah pertandingan inovasi dan pameran yang telah memasuki tahun ke-4 memberi peluang kepada para peserta untuk berkumpul dan berkongsi pandangan mengenai inovasi dan kreativiti dalam pengajaran dan pembelajaran.

“Saya teruja apabila lebih 300 pameran mengambil bahagian dalam acara dua hari ini selain turut berlangsung *Academic Leadership for Young Scholars Forum (ALeYS)* dan platform yang sangat baik untuk mengetahui inovasi terkini dalam P&P,” ucapnya ketika menyempurnakan Majlis Penutup PIP2019.

Jelasnya, untuk menyediakan pendidikan yang berkualiti dan berinovasi, usaha bersepadu dari semua pihak berkepentingan amat penting. Di Malaysia, kita menjalin kerjasama dengan sekolah, persatuan profesional, guru, universiti, Industri dan masyarakat.

“Pembelajaran hari esok sedang dipamerkan hari ini dan acara ini untuk berkongsi dan menyatukan idea inovatif dan menjadi salah satu daripada agen perubahan menuju ke masa depan.

“Setinggi-tinggi tahniah kepada semua peserta pemenang serta jawatankuasa penganjur PIP2019 yang telah berjaya menganjurkan acara sekali gus meneroka trend pendidikan dan membina jaringan,” luahnya.

Sementara itu, Pengarah UTLC, Prof. Madya Dr. Muhamad Shahbani Abu Bakar berbesar hati melihat semangat dan kerjasama antara semua pihak yang bekerja keras dan bersaing sepanjang dua hari dalam menjayakannya.

“PIP2019 merupakan acara tahunan UTLC yang menyediakan platform untuk staf akademik dan pelajar berkongsi amalan terbaik, menonjolkan inovasi dan kreativiti dalam pengajaran dan pembelajaran serta mengiktiraf usaha mereka dalam budaya inovasi di samping menyokong agenda Revolusi Perindustrian Keempat (IR 4.0).

“Bagi mereka yang tidak mencapai keputusan yang dikehendaki, jangan putus asa teruskan bekerja lebih keras dan bersedia untuk PIP seterusnya,” ucapnya.

Beliau turut merakamkan jutaan terima kasih kepada pihak penaja seperti Perbadanan Harta Intelek Malaysia (MyIPO), Scientific & Technical Products Sdn. Bhd., Universal IT Solutions Sdn. Bhd. (ELearning Minds), Bank Islam Malaysia Berhad (BIMB), Bank Simpanan Nasional (BSN), Ketari Merah Sdn. Bhd., Nestle Products Sdn. Bhd. dan penaja lain.



Please consider the environment before printing this e-mail



AACSB
ACCREDITED



ASSOCIATION
AMBA
ACCREDITED



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.